

Criterios de corrección na resolución do caso práctico do proceso de acceso por promoción interna e o proceso de provisión por mobilidade nos corpos da Policía Local de Galicia, escala executiva, categoría de inspector, convocado mediante a Orde do 19 de setembro de 2024 (DOG núm. 188, do 30 de setembro)

Segundo o punto 6.3.2 da convocatoria, a segunda proba do proceso consistirá na resolución dun caso práctico, no tempo máximo dunha (1) hora, determinado polo tribunal e relacionado cos temas comprendidos no anexo VI da convocatoria.

A seguir, as persoas aspirantes lerán o caso práctico ante o tribunal.

Esta proba cualificarase de 0 a 10 puntos e será necesario acadar 5 puntos, como mínimo, para non quedar eliminado/a.

O tribunal determinará o nivel de coñecementos exixidos para alcanzar a puntuación mínima.

Os criterios xerais de corrección da segunda proba do proceso son os seguintes:

1. O tribunal apreciará a aproximación á descrición e contido da normativa aplicable no esencial; esta puntuación incrementarase ou diminuírá na correspondente proporción en función da súa aproximación ao dito contido.

2. Terase en conta a concreción das respostas dadas, a motivación destas e a contestación de todas as singularidades de cada resposta segundo o establecido na normativa reguladora que ampara as respostas de cada unha delas.

En desenvolvemento destas previsións da convocatoria o **tribunal designado pola Resolución do 2 de decembro de 2024, (DOG núm. 238 do 11 de decembro de 2024), que deberá cualificar o proceso selectivo de acceso por promoción**



interna e o proceso de provisión por mobilidade nos corpos da Policía Local de Galicia, escala executiva, categoría de inspector (códigos de procedemento PR461F e PR461J), convocado mediante a Orde do 19 de setembro de 2024 (DOG núm. 188, do 30 de setembro), acordou os seguintes criterios específicos de corrección da segunda proba:

- *Precisión:* valorarase o inicio, desenvolvemento e finalización de cada un dos aspectos plasmados no enunciado do suposto práctico. Valorarase positivamente a finalización do suposto deixando encauzados todos os puntos enumerados no mesmo. 2,5 puntos.
- *Concreción:* as referencias lexislativas son de importancia e valoraranse na medida na que o opositor faga alusión a elas, tanto en forma (mediante nomenclatura da norma, con ou sen data), como no contido (mediante artigos concretos da norma sinalada); a maior concreción, maior valoración dese aspecto. 4 puntos.
- *Operatividade:* como mando da Policía Local, valorarase positivamente toda cantidade de labor de organización, xestión, coordinación, toma de decisións e información que o opositor desenvolva ao longo do suposto. 2,5 puntos.
- *Presentación e lectura do suposto:* dado o carácter escrito do suposto, e as repercusións do traballo policial ao remitir as dilixencias e informes a outros organismos públicos ou privados, será valorada a ortografía, a gramática, a sintaxe, así como a estruturación sempre tendo en conta a complexidade e o tempo de desenvolvemento do suposto. 0,75 puntos. Neste apartado toda incorrección ortográfica ou gramatical suporá unha resta de 0,10 puntos ata o máximo de 0,75 puntos. Pola natureza do cargo o que se aspira, e en numerosas ocasións polo desempeño de labores informativos, tanto a superiores xerárquicos, presidentes de corporacións locais ou mandos de outros corpos, valoraranse positivamente unha correcta lectura, que ademais de fiel ao texto redactado, sexa clara e comprensible. 0,25 puntos (total 1 punto).



Calquera persoa aspirante que no seu desenvolvemento propoña unha infracción do ordenamento xurídico en calquer aspecto da súa proposta de resolución será cualificado con 0 puntos na cualificación final da proba.

Calquera persoa aspirante que se identifique directa ou indirectamente na súa proposta de resolución será cualificado con 0 puntos na cualificación final da proba.

Calquera persoa aspirante que non se presente á hora indicada polo Tribunal para a lectura debidamente identificada será cualificada como non presentada na cualificación final da proba.

As lecturas son públicas. Calquera persoa que queira acudir á lectura doutro aspirante deberá identificarse, acreditar a súa condición de interesado no procedemento e entregar ao tribunal tódolos dispositivos electrónicos que poida ter nese momento, sen facerse o tribunal responsable dos ditos dispositivos depositados á entrada á lectura. O incumprimento deste punto ocasionará a exclusión do proceso selectivo da persoa que o incumpra.

A presidenta do Tribunal

María del Carmen Rebolledo Olmedo

